


太姥山記



脩太姥山志引

胡孟脩使君治秦川之明年移書語余曰太姥盤峙海陬巖壑之勝甲天下爾慙不敏卽不足當地主幸儼然爲山靈辱之予謝不敏蓋又越一二載而始踐其諾也蓋實藉一二同志共杖屨焉先是吾友林叔度陳惟秦兩游之而兩爲余言至今舌本芙蓉猶歷歷可憶也比游而信所聞之非誇矣蓋嘗論吾閩山川之竒指不勝僂武夷九鯉以孔道著越王九仙石鼓以會城著太姥山志引


獨太姥苞竒孕怪冠於數者而鶴嶺礙雲鸞渡稽天卽有勝情徒付夢想攷之古今紀載何寥寥也蓋山川於此亦有幸不幸焉余旣竣事感勝跡之不常懼文獻之無徵迺爲掇拾傳乘而益以所睹記衷爲志略付之梨棗以復孟脩且知今日之遊爲使君故非使君不足重太姥也

萬曆己酉二月晉安謝肇淛識













大姥山志卷上

晉安謝肇淛纂輯

大姥山在福寧州十都距州東百里而遙高十餘里周遭四十里舊名才山力牧錄云黃帝時容成先生嘗栖其下有石坪石鼎石臼尚存堯時有老母居之業種藍家於路旁往來者不吝給之有道士嘗就求漿母飲以醪道士竒之授以九轉丹砂之法服之七月七日乘九色龍馬而仙里人神之爲立墓石上因

大姥山志卷上

名太母漢武帝命東方朔授天下各山文乃改母爲姥唐玄宗開元十三年都督辛子言自越泛舟來牧閩止本州海上夢朱衣玄冠者執圭而前曰某神吏也昧爽仙姑將之蓬萊司風雨者先驅以蕩魚鱉之腥中丞泊舟當路幸移楫焉旣覺亟移舟果風雨暴至洪濤駕天少頃澄清雲霞絢彩有鸞鶴笙管之音子言繪圖奏聞上置圖華萼樓宣示諸王勅建國興寺於山麓致祭仍禁樵採乾符四年

勅建國興寺於山頂，僧徒居之，乃圖其秀拔二十二峰，後人增以仙掌、石虎等十四峰，合爲三十六峰。其他懸巖飛瀑，千崖萬壑，不可殫紀。僞閩王時，封爲西嶽。

新月峰在摩霄峰傍，五鼓可望扶桑初日。

豸冠峰一名天冠峰，在國興寺後。

神羊峰在摩霄峰前。

毬頭峰在國興寺左。

寶旌峰在圓潭寺後。

太姥山志卷上

二
仙女峰在九都五部摩霄峰之後。

仙童峰在金峰後。

仙仗峰

迎仙峰

象簡峰在疊石庵前。

呈珠峰在巖洞大盤石下。

團玉峰在巖洞石鐘邊。

碧鐔峰在巖洞水尾。

怪石峰

三靈峰

指天峰在鸚鵡石傍

捧玉峰在巖洞

摘星峰在摩霄峰左

飛蓋峰

靈龜峰

龍角峰在黃龍洞上有龍背龍頭龍杖列於峰之左右

天圭峰在摩尼宮之上端立若珪

太姥山志卷上

三

摩霄峰在山之絕頂東南北三面皆海西

州窮於省會諸山東望浙之温台稍南而西為南粵五嶺皆隱隱可辨相傳太姥乘九色龍至此摩霄而去遂因以名峰

仙掌峰在巖洞前五指隱然

石虎峰在摩霄菴下矗起當道俗以為攔路虎云

懸鐘峰一名石鐘峰在天冠巖下

石筍峰在小龍井上

天柱峰四面皆石一名天柱石一名頂天石在
摩霄峰傍

撥雲峰

卓筆峰在一線天之右

童子峰

蓮花峰在獨鯉石之傍

石鴉峰在獨鯉石傍

飛仙峰在巖洞前

碁盤峰在蓮花峰傍

太姥山志卷上

隱真峰在蓮花峰傍

金峰在望仙橋下五里許峰有二曰大金小金

錦屏峰在金峰之前

鉢盂峰在巖洞傍

三台峰在金峰菴前

疊石峰在大盤石左

曝龍石峰在龍井西

三枝峰在蓮花峰傍

三靈峰在七寶池邊

高峯

按州志唐乾符間僧師待圖其峯之秀拔者自新月至天圭凡二十有二後人乃增摩霄至隱真十四峯爲三十六竒然千峰林立無非竒者余故稍復增金峯至和尚爲四十有五其餘非有名者尚不可以數計也

老鷓巖在一線天上

湧米巖在摩霄庵後石壁削立下有一孔俗云

水從山志卷上

五

孔常湧米每夕升許僧貪鑿而廣之出然雪峰石竺各處皆有亦爲此說皆

姑志之以備考

羅漢巖在九鯉左

荷葉巖在九鯉池傍

新戒巖在大龍井前有新戒墜此故名

天冠巖在鉢盂峯下

大巖洞之上

前巨石壘迤七段降石以通

和尚看經石在羅漢巖傍

彈丸石在浮屠石下峭壁數仞中一孔若彈丸
古梅盤根其上春半始花

石龜在巖洞庵之左

鍾離石在巖洞庵右儼若雙髻仙人其傍有小
石若蟾蜍立而牽其袂

蟠桃石在巖洞庵門內俗名棋盤石
鏊堯石在巖洞後望之若甲卒植立

大盤石在竹園上廣可坐百人前眺大海遠近
太姥山志卷上
諸峰歷歷可數

玉匣石在疊石峰下

石屏風在大盤石右與玉匣對峙

蟹鈴石在石屏風下狀如蟹螯

石獅子在大盤石上廣八十步頭尾蹄足悉具
石門夾峙於小巖洞路次

石鸚鵡在石門傍

石象在石門傍

石兔在石象前

仙人鋸板石在小巖洞路左

石筍在小龍井上

九鯉朝天石在望仙橋前望之宛然尾鬣皆具
獨鯉朝天石在九鯉之上

石天門在大盤石上里許亂石間詰屈以入狀
若巖洞

小盤石在一線天之上

仙人晒靴石在小盤石左峰頂一石如靴倒豎
石麒麟在晒靴石之上

太姥山志

卷上

七

石船在摩尼宮右長三丈許水從船下湧出大
旱不涸

洗頭盆石一名仰天盆在摩霄庵左

雲板石在洗頭盆傍

浴盆石在洗頭盆傍

仙人足在浴盆傍一名仙人露脚形如人足蹠
反向上

金剛把門石在金峰庵前之東二石對峙一大
一小然謂之金剛殊不類而舊志以爲四又

訛

鹿啣花石在金山峰路次

石鼓在望仙橋前與石鍾對峙

石鍾

石樓在摩霄峰左翬起若樓

雷轟石在大盤石上石壁爲雷擊半落故名

石鼎在摩霄峰

三台石在摩霄峰

僧石在雷轟石傍俗名大頭僧

太姥山志卷上

一線天在滴水洞上兩石對立約百餘丈中劈

小徑僅容一人天光漏而入長可半里

石巖洞一名石門關在玉湖庵之背越絕澗重

岡詰屈可五里懸石塞路下有洞高三尺許

穿之以入三百武爲庵

觀音洞在太姥墓後半里許巨石倒覆夾峙爲

洞深廣二丈如是者二

落星洞在巖洞上從太姥墓左折登嶺數百步

巨石側立道周設石罅而入兩旁峭壁有井

如巷長十餘丈一朶石懸空塞道從其下穿
人復有石洞豁然石斷處架竹爲橋如是者
三始達竹園

小巖洞在大巖洞上三里許有岐路焉鑿石爲
級上而復下循山脊行右折過獨木橋有二
巨石對峙如門稍進懸空石洞高廣倍於落
星而苦無水有間道可走國興寺林祖恕記
以一線天爲小巖洞蓋未嘗至此耳

滴水洞在石天門上懸巖倒覆泉滴不竭有井
太姥山志卷上
承之寒冽無比

小觀音洞在白箬庵前巨石夾立上銳下平其
狀如龕旁有二石孔深不可測

十八羅漢洞在小觀音洞前穿石底而入內有
石榻石臼

七賢洞

黃龍洞在洗頭盆下

團玉洞在摩霄庵右

丹穴在摩霄峰